

Vuk'uzenzele

Ipapashwe liZiko lezoNxibelelwano nokuSasazwa koLwazi lukaRhulumente (i-GCIS)

English/isiXhosa

EyoKwindla 2023 Ushicilelo 1

UMongameli ubhengeze iMeko yeNtlekele

UMongameli u-Cyril Ramaphosa ubhengeze iMeko yeSizwe yeNtlekele – eza kuqala ngoku – njengelinge lokusabela kwingxaki yamandla ombane ekhoyo ngoku ejongene noMzantsi Afrika.

Kwezi nyanga zibalwa zigqithileyo u-Eskom ebesilwela ukugcina izibane zila-yitiwe, nto leyo ekhokelele ekwandeni kwamanqanaba okucinywa kombane kunye nefuthe elibi kubomi, kwimo yempilo nakumashishini.

NgoLwesine mhla we-9 kweyoMdumba 2023, uMongameli ubhengeze iMeko yeNtlekele ngethuba esenza iNtetho kaMongameli engoBume beSizwe kwiHolo yeSixeko saseKapa.

“Ngamaxesha anzima, kufuneka abe mnye umntu okanye iqumrhu elinika umkhombandlela. Nanjengokuba silungisa izinto ezingunobangela wale ngxaki sinayo, kufuneka

siwujonge nomonakalo ewenzayo. Le ngxaki iya ithatha unyawo kwaye ithwaxa yonke into kwizwe lakuthi,” utshilo uMongameli.

Wongeze ngelithi urhulumente kufuneka athathe amanyathelo okunciphisa ifuthe lale ngxaki yombane kumafama, amashishini amancinci, iziseko ezingundoqo zamanzi, uthungelwano lwezothutho kunye nezinye iinkalo ezininzi kwakunye nezibonelelo ezichaphazela ubomi babantu.

“Ekuthatheni ingqalelo yonke le miba kunye nengxaki esikuyo, iZiko loLawulo lweNtlekele yeSizwe liye layichaza le ngxaki yamandla ombane kunye nefuthe layo njengentlekele yelizwe. Kungoko ke sibhengeza imeko yeSizwe yeNtlekele ukuze sijongane nengxaki yombane kunye neziphumozayo,” utshilo uMongameli Ramaphosa.

Ugxininise wathi le ngxaki yokunqongophala kombane yambethe ilizwe



UMongameli u-Cyril Ramaphosa ngexesha ethula iNtetho engoBume beSizwe.

ifuna ukuba urhulumente ayilungise ngokungxamisekileyo.

“Iimeko ezingaqhelekanga zifuna ukuthathelwa amanyathelo angaqhelekanga. Ingxaki yamandla ombane ilubeka emngciphekweni omkhulu uqoqosho nentlalo yethu.

Kufuneka senze konke okusemandleni, ngaphandle kokulibazisa xa siphumeza la manyathelo,” utshilo.

Iza kusebenza njani UMongameli uchaze wathi esi sibhengezo siza kwenza ukuba urhulumente abonelele ngamanyathelo asebenzayo ukunceda amashishini athe achatshazelwa ngumonakalo owenziwa yile ngxaki yokucinywa kombane.

“Imeko yentlekele iza kusinceda sikwazi ukuthatha

Iqhubeka ekhasini lesi-2

SONA SPECIAL EDITION

SONA IN NUMBERS

LEAVE NO ONE BEHIND

STATE — of the — NATION ADDRESS

Ukufunda uVuk'uzenzele khuphela i-GOVAPP kwi:

Khangela u- SA Government kwi-Google playstore okanye kwi-appstore

QHAGAMSHELANA NATHI Vuk'uzenzele @VukuzenzeleNews

Iwebhusayithi: www.gcis.gov.za I-imeyili: vukuzenzele@gcis.gov.za
www.vukuzenzele.gov.za Inombolo yomnxeba: (+27) 12 473 0103

Tshedimsetso House:
1035 cnr Frances Baard and Festival streets, Hatfield, Pretoria, 0083

Isuka ekhasini loku-1

amanyathelo abonakalayo afunekayo ukuze sixhase amashishini akwicandelo lokoveliswa nokugcinwa kokutya kunye namaqumrhu asebenzisana neevenkile, kuquka noku-khutshwa kweejenareyitha, amacanga esola kunye nombane ongamane ucima," uqhube watsho.

Apho sinokukwazi ukwenzeka khona ngokobuchwepheshe, uMongameli uthe iMeko yeNtlekele izakwenza ukuba ilizwe liyeke ukucinywa kombane kwiziseko ezingundoqo ezifana nezibhedlele kunye neendawo zokucocwa kwamanzi.

"Futhi iza kusi-

nceda sikhawulezise iiprojekthi zezamandla size siphungule nemithetho enobucukubhede obuninzi ngeli thuba siqinisekisa ukuba senza kangangoko ukukhusela okusingqongileyo, silandela imigaqo yokuthenga iinkonzo kunye nelawula ubuchule obuse-tyenziswayo xa kusakhiwa," utshilo.

UMongameli Ramaphosa uqinisekise uluntu ukuba inkcitho enxulumene neMeko yeNtlekele iza kubekwa phantsi kweliso elibukhali yi-ofisi yoMphicothi-zincwadi Jikelele ukuze kugadwe ukusetyenziswa gwenxa kwayo nayiphi na imali efunekayo ukujongana nengxaki yezombane.

Ngaphaya koko, uMphathiswa wezoMbane

kwi-Ofisi kaMongameli kulindeleke ukuba aqeshwe ukuze aqwalasele kuphela ekonyuleni eli lizwe kwii-ngxaki zombane ezikhoyo ngoku.

"Ndiza kutyumba uMphathiswa wezoMbane kwi-Ofisi kaMongameli ukuze athabathe uxanduva olupheleleyo lokongamela yonke imiba yokusabela kwingxaki yombane, kuquka nomsebenzi weKomiti yeSizwe ye-Ngxaki yezaMandla," utshilo uMongameli.

Wongeze ngelithi lo Mphathiswa uza kusebenza ngokusisigxina kwaye asebenzisane nebhodi kunye nabalawuli bakwa-Eskom ekupheliseni ukucinywa kombane kunye nokuqinisekisa ukuba iSicwangciso sokuSebenza soMbane

siyafezekiswa ngaphandle kokulibazisa.

UMongameli ukwathe uNondyebo weSizwe ugqibezela isisombululo kumthwalo wetyala lika-Eskom leebhiliyoni ezingama-400 zeerandi ngendlela enobulungisa nengenamkhethe kubo bonke abachaphazelekayo, nto leyo eza kwenza ukuba iziko lombane likwazi ukwenza utyalo-mali oluyimfuneko ekulondolozeni nasekuhanjiseni kombane.

"Urhulumente uza kumxhasa u-Eskom ukuze afumane inkxaso-mali eyongethweyo yokuthenga amafutha edizili de kuphele lo nyaka-mali. Oku kufanele kuphungule ubuzaza bokucinywa kombane njengoko u-Eskom eza kukwazi

ukusebenzisa oomatshini bakhe abasebenzisa idizili xa inkqubo yokuhanjiswa kombane iphantsi koxinzelelo," utshilo.

U-Eskom sele ephelele inkqubo yokuthenga umbane oyintsalela kwinkampani zabucala ezivelisa umbane kwaye sele ekwazile nokufumana umthamo oyi-300 MW kumazwe angabamelwane.

Ngaphaya koko, uMongameli wongeze ngelithi iNkonzo yesiPolisa yase-Mzantsi Afrika iseke iqela elizinikeleyo elineenkokeli eziphezulu ukuze lijongane nobuqhophololo obuzingisileyo nobusela kwizikhululo zombane ezininzi ezibe negalelo ekungasebenzeni kakuhle kwezi zikhululo.

📞 – SAnews.gov.za

SA beefs up protection for whistleblowers

President Cyril Ramaphosa says government is working on mechanisms to improve protection for those who blow the whistle on corruption.

"We are working to capacitate the Witness Protection Unit and will introduce amendments to the Protected Disclosures Act and Witness Protection Act to strengthen protection for whistleblowers," he said during the State of the Nation Address (SoNA).

President Ramaphosa said work is already underway to improve access to the witness protection programme for public servants who expose maladministration, corrup-



tion and unethical conduct.

"We will finalise the draft Public Procurement Bill to address weaknesses identified by the State Capture

Commission and improve efficiency, value for money and transparency. Our reinvigorated law enforcement agencies are taking firm

action against companies and individuals alleged to have been involved in state capture," President Ramaphosa said.

President Ramaphosa said the National Prosecuting Authority (NPA) Investigating Directorate, established in 2019, has taken 187 accused persons to court in 32 State capture and corruption cases.

"Over R7 billion has so far been returned to the State from State capture cases. To date, R12.9 billion of funds and assets have been frozen. This year, the Investigating Directorate will be established as a permanent entity within the NPA," he said.

These efforts are in line with

the President's appointment of the National Anti-Corruption Advisory Council in August 2022. The Council consists of people from across society who advise on suitable mechanisms to stem corruption, including an overhaul of the institutional architecture for combatting corruption.

President Ramaphosa said for the country to achieve any progress in addressing the urgent challenges it faces, there can be no compromise in building a capable and effective state. 📞 – SAnews.gov.za

Did you know?

You can report corruption to the Special Investigating Unit by calling **080 003 7774** or contact the National Anti-Corruption Hotline on **0800 701 701**



government communications

Department: Government Communication and Information System
REPUBLIC OF SOUTH AFRICA

Tel: 012 473 0353

Email: vukuzenzele@gcis.gov.za

Address: Private Bag X745, Pretoria, 0001

Head of Editorial and Production

Regomoditswe Mavimbela
Regomoditswe@gcis.gov.za

Acting Editor-in-Chief

Zanele Mngadi | Zanelemngadi@gcis.gov.za

Managing Editor

Tshepo Nkosi | Tshepon@gcis.gov.za

News Editor

Noluthando Motswai

Writers: More Matshediso

Graphic Designers

Tendai Gonese | Benny Kubjana

Production Assistants

Jauhara Khan | Sebastian Palmer

Language Practitioners

Nomgcibelo Motha | Boitumelo Phalatshe
Thandolunye Khulu | Mahanyele Ramapala



Vuk'uzenzele
is published by Government Communications (GCIS)

Distributed by:
ON THE DOT

Printed by:
RISING SUN PRINTERS
for laboratory service

The material in this publication may be reproduced, distributed, or transmitted in any form or by any means, including photocopying, recording, or other electronic or mechanical methods, without the prior permission of the publisher on condition that this publication shall be credited as the source.



Ukusebenzela ukuba nombane ofikelelekayo

Isibhengezo sakutsha nje sokunyuswa kwamaxabiso ombane siza ngexesha elinzima kakhulu kubemi kunye namashishiningokufanayo, asele ejongene neendleko eziphezulu kakade zamafutha, ukutya kunye nezinye izinto ezibalulekileyo.

Yiyo loo ndihlabane ikhwelo kutsha nje lokuba ibhodi yakwa-Eskom ikhangele amanye amacebo aza kwenza ukuba lo myinge we-18.65% kuza kunyuswa ngawo ixabiso lombane kukhe kumiwe kancinci phambi kokuba ufakelwe.

Eli xabiso litsha livunywe nguMlawuli wezaMandla weSizwe waseMzantsi Afrika (i-NERSA) kulandela inkqubo emiselweyo, ekuqala iindibano zokufakana imilomo nabantu abaninzi. Kubalulekile ukuba siqinisekise ukuzimela kwe-NERSA kunye nokubaluleka kokulandela inkqubo yomthetho efanelekileyo ekumiselweni amaxabiso.

Ixabiso elisekelwe kwiindleko zokuvelisa umbane lifanelekile ukuze u-Eskom azinze ngokwezimali kunye nokuba le nkampani ikwazi ukhulawula amatyala ayo kunye nokuqhuba umsebenzi obalulekileyo wokukhanda kunye nokulungisa ukuze kupheliswe ukucinywa kombane.

Nangona kunjalo, kukho ukuthandabuza okuncinane bokuba ukonyuswa kwexabiso lombane ngoku, ngeli xesha linzima, kuza kongeza ubunzima abemi boMzantsi



Afrika abajongene nabo. Uku-nyuka kwamaxabiso okutya nombane kwenza amaxabiso ezinto ezilula zokuziphilisa anyuke kakhulu kwihlabathi liphela, kwaye amahlwempu ngabona bantu bantlithaka kanobom. EMzantsi Afrika, amaxabiso okutya anyuke ngomyinge we-12% kulo nyaka uphelileyo.

Le yingxaki esijongene nayo: kufuneka siqinisekise ukuba u-Eskom unazo izixhobo azidingayo zokusombulula ingxaki yombane lo gama ekhusela abemi boMzantsi Afrika kwiziphumo zamaxabiso aphezulu.

Akukho sisombululo silula sale ngxaki. Yiyo loo nto bonke abachaphazelekayo, kubandakanywa urhulumente, u-Eskom, amashishini, abasebenzi kunye noluntu, kufuneka basebenzisane beze nesisombululo esingazikudlelela mntu. Ngawo onke amaxesha, kufuneka sikhokelwe ziimfuno kunye nezinto ezilulutho kubemi boMzantsi Afrika, ingakumbi

abo bangathathi ntweni, ngoku nakwixesha elizayo. Kufuneka sizilumkele izisombululo zexeshana esiya kuthi sizisole ngazo kwiminyaka ezayo.

Njengorhulumente siza kuqhubeka siphumeza imigaqo-nkqubo kunye namanyathelo aza kunceda ukuba bungababhuqi kakhulu ubunzima abantu abangathathi ntweni. Ukususela ngeentsuku zokuqala zolu lawulo lwentando yesininzi, saqalisa umgaqo-nkqubo wokunikezela ngamanzi kunye nombane osimahla kumakhaya angathathi ntweni. Ukuba ngaba isibonelelo sasimahla sombane osisiseko siphunyezwe ngokufanelekileyo ngoomasipala, kufuneka sikhusele awona makhaya ahlwempuzekileyo kulwamvila lokunyuswa kwamaxabiso. Sizibophelele ngokupheleleyo kulo mgaqo-nkqubo.

Ezinye iinkqubo zokwandisa izibonelelo zezentlalo ziquka iinkonzo ezisiseko zempilo ezisimahla, ukungahlawuli imali yesikolo kwabafundi abaphuma kwiintsapho ezihlelekileyo, inkqubo yesondlo esikolweni exhasa abafundi abangaphezu kwezigidi ezilithoba kwilizwe lonke, nokubonelela ngefundo yasimahla kumaziko emfundo ephakamileyo kubafundi abaphuma kwiintsapho ezihlelekileyo. Ukulingafakwa kwerhafu ye-VAT, kwiimveliso zokutya okusisiseko kunceda ukuthoba iindleko kubantu abahluphekayo.

Umvuzo omiselweyo ongowona uphantsi wesizwe, owaphehlelelwa ngowama-2019, uwuphucule umvuzo wabasebenzi abaninzi, ingakumbi abasebenzi basezifama, abasebenzi basemakhitshini nabanye abasebenzi abasesichengeni sokuxhatshazwa.

Enye indlela urhulumente akhusela ngayo abantu abasokola kakhulu ekwenyukeni kwamaxabiso ngokugqithisileyo kukusebenzisa umgaqo-nkqubo wokhuphiswano. Ngexesha lobhubhane, iKomishini yoKhuphiswano yasebenzisa amandla ayo ukuthoba amaxabiso ovavanyo lwe-COVID-19 kwaye ababoneleli abathi bafunyaniswa benetyala lokuba namaxabiso aphezulu izigqubatheli zobuso bahlawuliswa kanobom.

IKomishoni yoKhuphiswano ibeka iliso kumaxabiso eentlobo zokutya ezisiseko, kwaye kutshanje ifumanise ukuba abathengi bebejongene nengxaki yokunyuswa ngondlela mnyama kwexabiso le-sunflower oil, amafutha okupheka asetyenziswa kumakhaya amaninzi.

Onke la malinge afana nesibonelelo sezentlalo esinceda amakhaya amaninzi ahluphekileyo ekuthwaxweni yingxaki yokunyuka kwamaxabiso. Urhulumente uqwalasela iindlela ezongezelelekileyo zokuhlangabezana nokunyuka kweendleko zombane. Oku kuquka ukuncedisa amakhaya kunye namashishini amaninzi ukuba afakele umbane

wesola kunye nezixhobo zokonga umbane, ukuxhasa amakhaya ngezibane ezitshajwayo, kunye nokusebenza nabafundi ukuze bakwazi ukufunda izifundo ebezibaphosile ngenxa yokuba umbane ubukhe wacima waze waphazamisa izifundo zabo. Kwiiiveki ezizayo sizakukwazi ukunika inkcazelo ethe vetshe ngala manyathelo kunye namanye.

Njengoko sisebenza kunye ukoyisa ingxaki yombane, ndihlaba ikhwelo kubo bonke abemi boMzantsi Afrika ukuba bawuhlawulele umbane abawusebenzisayo. Singaphucula kwaye sandise ubonelelo lombane nezinye iinkonzo ezisisiseko kuphela ukuba urhulumente noomasipala ngokukodwa banazo iindlela zokwenza oko. Ukungahlawuli kunye noku-fakela umbane ngokungekho mthethweni kwenza umbane ubize kakhulu kwaye ungazinzi.

Iindleko zokuphila kwihlabathi liphela zichazwe zinyuke ngomyinge ongazange obonwe sesi sizukulwana, kwaye ziya zisenziwa mbi nangakumbi ziziganeko zehlabathi ezingaphaya kwamandla ethu.

Njengorhulumente siza kuqhubeka neenzame zethu zokwandisa izibonelelo zentlalo, njengokuba kwangaxeshanye sikhawulezisa iinzame zethu zokubuyisela unikezelo lombane oluthembekileyo nolukhuselekileyo. Siza kuqhubeka nokusebenzisana kakhulu nawo onke amahlakani ezentlalo kunye namaqumrhu karhulumente ukuze sifumane iindlela ezizinzileyo zokukhusela amakhaya aseMzantsi Afrika kwiziphumo ezibi kakhulu zokunyuka kwexabiso lombane kunye nezinye iindleko. 